

Comhaontú Leibhéal Seirbhíse idir
An Roinn Ealaíon, Oidhreachta, Gnóthaí Réigiúnacha, Tuaithe agus
Gaeltachta
agus
Údarás na Gaeltachta

Sa Chomhaontú seo, leagtar amach réimsí comhoibrithe agus comhordaithe idir an dá eagraíocht seo don tréimhse ó 1 Eanáir 2017 go 31 Nollaig 2017.

Comhthéacs:

Cuimsíonn an cháipéis seo comhaontú maidir le seirbhísí dá chéile idir an Roinn agus Údarás na Gaeltachta. Níl i gceist, áfach, go dtiocfaidh sé salach ar aon riachtanais reachtúla, reachtaíochta nó oibríochta eile a gcaithfidh ceachtar páirtí cloí leo, ná go ngabhfaidh sé ina n-ionad.

Sa chomhthéacs seo, tógann an comhaontú na nithe seo a leanas san áireamh:

- Ról maoinithe, maoirseachta, agus cuntasachta na Roinne Ealaíon, Oidhreachta, Gnóthaí Réigiúnacha, Tuaithe agus Gaeltachta (“An Roinn”) i dtaca le cúraimí reachtúla an Údaráis;
- Forálacha Acht na Gaeltachta 2012 agus an Straitéis 20 Bliain don Ghaeilge 2010 – 2030;
- Sainchúraimí Údarás na Gaeltachta (“an tÚdarás”) mar údarás reachtúil atá freagrach as forbairt eacnamaíoch, shóisialta agus chultúrtha na Gaeltachta a chur chun cinn;
- Na cuspóirí agus na spriocanna comónta atá ag an dá eagraíocht; agus
- An Cód Cleachtais um Rialachas Comhlachtaí Stáit a foilsíodh i 2016

Foilsíú an Chomhaontaithe Leibhéal Seirbhíse

Foilseofar cóip shínithe den Chomhaontú Leibhéal Seirbhíse ar shuíomhanna gréasáin na Roinne agus an Údaráis araon.

1. Bunús Reachtúil agus Polasaí

1.1 An Roinn

Is é Ráiteas Misin na Roinne: *Oidhreacht agus cultúr na hÉireann a chosaint agus a chur chun cinn, úsáid na Gaeilge a bhrú chun cinn, tacú le forbairt inbhuanaithe na n-oileán agus turasóireacht chultúrtha a fhorbairt*. Sa chomhthéacs seo, i dtaca leis an nGaeltacht, leis an nGaeilge agus leis na hOileáin (a bhfuil bunús a ndaonra i limistéir Ghaeltachta), is iad spriocanna agus straitéisí reatha na Roinne tacú leis an nGaeilge, úsáid na teanga mar phríomhtheanga an phobail sa Ghaeltacht a threisiú agus cuidiú le forbairt inbhuanaithe phobail na n-oileán.

1.2 An tÚdarás

Gníomhaireacht reachtúil é an tÚdarás a bunaíodh 1 Eanáir 1980 faoin Acht um Údarás na Gaeltachta, 1979. Is é an t-údarás réigiúnach é atá freagrach as forbairt eacnamaíochta, shóisialta agus chultúrtha na Gaeltachta a chur chun cinn, agus san áireamh i measc a chuid feidhmeanna, tá cur i bhfeidhm na Straitéise 20 Bliain don Ghaeilge 2010-2030 sa Ghaeltacht, cúnamh airgid agus eile a chur ar fáil chun tionscail agus scéimeanna táirgiúla fostaíochta a bhunú, a fhorbairt nó a chothabháil sa Ghaeltacht, caomhnú agus leathadh na Gaeilge mar phríomh-mheán cumarsáide sa Ghaeltacht, agus cúraimí forbartha pobail.

2. Maoirsiú Roinne / Córais Tuairiscithe / An Cód Cleachtais um Rialachas Comhlachtaí Stáit

2.1 Dréachtphlean Straitéiseach (Paragraif 1.15 go 1.23 den Chód)

Mar chomhlíonadh ar an gCód Cleachtais um Rialachas Comhlachtaí Stáit a foilsíodh i 2016, bíonn Plean Straitéiseach i bhfeidhm ag an Údarás do thréimhsí idir 3 agus 5

bliana. Tacaíonn bainistíocht an Údaráis le feidhmiú na Straitéise le timthriall de phleanáil agus de bhuiséadú bliantúil.

Leanfar feasta de spriocanna agus straitéis nua don Údarás a leagan síos go tráthrialta dá réir, bunaithe ar an Straitéis 20 Bliain don Ghaeilge 2010-2030; ar fhorálacha na nAchtanna um Údarás na Gaeltachta; Acht na Gaeltachta 2012; agus ról an Údaráis faoi Acht um Athchóiriú Rialtais Áitiúil 2014.

Déanfar socruithe cuí maidir le buiséadú ilbhliantúil chomh fada agus atá a leithéid indéanta agus i gcomhréir le teoracha ábhartha na Roinne Caiteachais Phoiblí agus Athchóirithe.

2.2 Teoracha ón Roinn (Mír 8 den Chód)

Leagfar amach i litir cheadúcháin bhliantúil na Roinne, a chuirfear chuig an Údarás roimh 30 Aibreán gach bliain, an t-allúntas airgeadais atá á chur ar fáil ón Státhiste don bhliain, na bunspríocanna inghnóthaithe ar a bhfuil an t-allúntas bunaithe agus coinníollacha ábhartha eile, ar a n-áirítear socruithe maidir le tráthchodanna den allúntas a íoc agus tuairisc ar dhul chun cinn maidir le bunspríocanna inghnóthaithe a bhaint amach.

Beidh litir cheadúcháin bhliantúil na Roinne, chomh maith le haon teoracha eile a eisíonn an Roinn chuig an Údarás ó am go ham, ina ndlúthchuid den Chomhaontú seo.

2.3 An Tuarascáil Bhliantúil

Is é an sprioc atá leagtha síos sa Chód Cleachtais um Rialachas Comhlachtaí Stáit 2016 ná Tuarascálacha Bliantúla eagrais leathstáit, a bheith foilsithe roimh 30 Meitheamh gach bliain. Ag aithint nach bhfuil an sprioc sin go hiomlán faoi smacht an Údaráis, déanfaidh an tÚdarás a dhícheall dréacht-téacs agus cuntais, i bhfoirm chomh críochnúil agus is féidir, a chur ar fáil don Roinn 3 sheachtain roimh an sprioc-am measta a bhfaighfear tuarascáil an Ard-Reachtair Cuntas agus Ciste. Cuirfidh an tÚdarás tuarascáil an Ard-Reachtair ar fáil don Roinn laistigh de sheachtain amháin ón am a bhfaigheann sé í. Déanfaidh an Roinn a dícheall Tuarascáil Bhliantúil agus Cuntais Iniúchta an Údaráis a

chur faoi bhráid an Rialtais laistigh de 3 sheachtain ina dhiaidh sin (faoi réir nach mbeidh briseadh samhraidh an Rialtais ann ag an am), agus scéal a chur go pras ina dhiaidh sin chuig an Údarás, gur féidir an Tuarascáil agus na Cuntais a fhoilsiú.

3. Ionchuir 2017

Údarás na Gaeltachta	2017 €000
Reatha (Riarachán)	8,958
Reatha (Teangabhunaithe)	3,250
Caipiteal	6,687
Uimhreacha Foirne	81.42 (WTE)

4. Leibhéil Seirbhíse agus Toisí Feidhmíochta

Príomh-Aschuir

Gníomhaíocht Seirbhíse Poiblí	2016 spriocanna aschuir	2016 aschuir	2017 spriocanna aschuir
Poist nua cruthaithe	570	559	530
Poist a bhfuil tacaíthe leo	7,300	7,348	7,500
Comharchumainn & LCDP's maoinithe	33	31	33
Coistí Pobail	45	45	45
Líon Naíonraí maoinithe	79	74	74
Líon páistí ag freastal	1,178	1,068	1,100
Óige na Gaeltachta / Clubanna Óige Cláraithe	42	36	39
Líon daoine óga ag freastal	1,300	1230	1350
Ionaid Cúraim Leanaí maoinithe	7	7	7
<u>Muintearas Teo.</u> Scéim na gCampáí Samhraidh			
• Líon na n-eagraíochtaí atá ag reáchtáil Campaí Samhraidh	64	74	74

<ul style="list-style-type: none"> Líon na gCampaí Samhraidh a reáchtáladh 		183	183
<ul style="list-style-type: none"> Cúrsaí Oiliúna 	20	26	20
Scéim na gCúntóirí Teanga			
<ul style="list-style-type: none"> Cúntóirí 	66	66	80
<ul style="list-style-type: none"> Scoileanna 	76	76	90
<ul style="list-style-type: none"> Seirbhísí Spóirt sna Scoileanna 	19	19	19
<u>Ealaín na Gaeltachta Teo.</u>			
<ul style="list-style-type: none"> Scéim na bhFéilte 	Tacú le 20 Féile	19	20
<ul style="list-style-type: none"> Scéim Síol 	Tacú le 55 iarratas	51	55
<ul style="list-style-type: none"> Scéim Príomhréimsí 	Tacú le 15 iarratas príomh réimse	15	15
<ul style="list-style-type: none"> Scéim Sparánachta 	Tacú le 30 Ealaíontóir Aonair	20	25
<u>Próiseas Pleanála Teanga</u>			
<ul style="list-style-type: none"> Fógraí déanta faoi alt 7(3) den Acht i leith Limistéir Pleanála Teanga Gaeltachta (LPT) 	8 (26 LPT san iomlán faoi 31/12/2016)	5	3 LPT - céad ráithe
<ul style="list-style-type: none"> Pleananna Teanga curtha faoi bhráid na Roinne chun críche faofa (2016) 	3	0	8-10
<ul style="list-style-type: none"> Bailte Seirbhíse Gaeltachta – líon bailte ina mbeidh ullmhúchán plean teanga tosaithe ann 	1	1	3

5. Caidreamh Ginearálta

Is é Rannán an Údaráis sa Roinn an príomhphointe teagmhála idir an Roinn agus an tÚdarás. Ní mór an Rannán sin a choimeád ar an eolas maidir le gnóthaí ábhartha, ar a n-áirítear teagmhálacha idir an tÚdarás agus oifig an Aire/Aire Stáit. Mar aon le forálacha ar leith maidir le tuairisciú chuig an Aire, go háirithe mar atá leagtha síos i mír 6 den Chód Cleachtais um Rialachas Comhlachtaí Stáit 2016, tá socrú á chur i bhfeidhm ag Cathaoirleach an Údaráis leis an Aire Stáit sa Roinn Ealaíon, Oidhreacht, Gnóthaí Réigiúnacha, Tuaithe agus Gaeltachta, mar a bhí i bhfeidhm roimhe seo, chun an tAire a choinneáil ar an eolas maidir le nithe a éiríonn i dtaca leis an Údarás. Tabharfaidh an Bord cuireadh ó am go ham don Aire Stáit de réir mar a oireann chun bualadh leis an mBord le hábhair chomhspéise a phlé. Cuirfear an Roinn ar an eolas faoi aon chuireadh dá leithéid a eiseofar.

Chomh maith le teagmháil leanúnach faoi ábhair chomhspéise, bíonn cruinnithe 3 nó 4 huairé in aghaidh na bliana idir ionadaithe ón dá eagraíocht chun clár oibre a phlé ar mhaithe le cur chun cinn feidhmeanna agus spriocanna na Roinne agus an Údaráis agus chun go gcoinneoidh an dá eagraíocht a chéile ar an eolas maidir le gnóthaí ábhartha.

Cé go n-aithnítear gur gá eolas a iarraidh gan choinne ó am go chéile, déanfar iarracht éilimh dá leithéid, a chaithfí a chur ar fáil ar fhógra an-ghearr, a sheachaint an oiread agus is féidir.

Leagtar síos i scríbhinn ó am go ham an gnáthstruchtúr teagmhála idir na heagraíochtaí. Glactar leis mar ghnáthnós go gcuirtear freagra i scríbhinn nó ar ríomhphost ar iarratais ar eolas nó ar chinneadh a dhéantar.

6. Cosaint Leanaí

Tá sé ina choinníoll maoinithe go bhfuil dian pholasaithe cosaint leanaí in áit ag an Údarás, i gcomhréir le *Tús Áite do Leanaí*. Tá dualgas air freisin a chinntiú go bhfuil polasaithe cosaint leanaí in áit, má bhaineann sé le hábhar, ag gach dream a fhaigheann deontas ón eagraíocht.

7. An Ghaeilge

Leagtar síos in alt 8(9) den Acht um Údarás na Gaeltachta, 1979, mar a leasaíodh le halt 17 d'Acht na Gaeltachta 2012, go gcinnteoidh an tÚdarás gurb í an Ghaeilge a úsáidfear a mhéid is féidir nuair a bheidh a fheidhmeanna á gcomhlíonadh aige agus thar a cheann. Tabharfar aitheantas dó sin, agus do Scéim Teanga na Roinne faoi alt 11 d'Acht na dTeangacha Oifigiúla 2003, sa chaidreamh idir an Roinn agus an tÚdarás.

8. Bonn Cliant/Comhchliaint

Leanfaidh an Roinn agus an tÚdarás leis an gcomhoibriú agus eolas a roinnt eatarthu faoi chliaint dá gcuid. I gcás cliaint atá ina gcomhchliaint idir an tÚdarás agus an Roinn, cinnteofar nach mbíonn trasnáil nó dúblú feidhmeanna nó cúnaimh idir an dá eagraíocht. Aontaítear nach ndéanfar cliaint d'eagraíocht amháin díobh ina gcliaint den eagraíocht eile gan comhphlé eatarthu roimh ré. Aontaítear nach ndéanfaidh ceachtar den dá eagraíocht comhaoiniú ar aon tionscnamh gan comhaontú eatarthu roimh ré.

9. Comhfhreagrachtaí

Tá réimsí áirithe ann ina bhfuil freagrachtaí cosúla ar an Roinn agus ar an Údarás, mar shampla an fhreagracht ghinearálta maidir le caomhnú agus leathadh na Gaeilge mar phríomh-mheán cumarsáide sa Ghaeltacht a spreagadh, agus freagrachtaí a eascraíonn faoin Acht um Pleanáil agus Forbairt 2000 agus faoi na Rialacháin um Pleanáil agus Forbairt, 2001 (I.R. 600 de 2001). Leanfaidh an Roinn agus an tÚdarás de bheith ag cur comhthuisceana eatarthu chun cinn faoi chur i bhfeidhm a bhfreagrachtaí faoi seach.

10. Cláir agus Scéimeanna

I gcásanna gur gá toiliú an Aire nó an Rialtais a fháil do scéim nó do thogra ar leith nó do leibhéil nua údaráis (scéimeanna nua, tograí caipitil ar leith, mar shampla), cinnteoidh an tÚdarás go mbeidh cás gnó cuí déanta roimh ré mar chuid den iarratas, agus déanfaidh an Roinn agus an tÚdarás le chéile gach iarracht chun cinneadh an Aire/an Rialtais a éascú. Pléifear na riachtanais agus na cúiseanna le sprioc ama do chinneadh, ag cur cúinsí tráchtála agus a leithéidí san áireamh. I gcásanna áirithe a mbíonn fíorphráinn le cinneadh, socrófar sprioc ama ar leith. Sa ghnáthbhealach, áfach, bheifí ag súil le cead an Aire laistigh de 6 seachtaine, nó i gcás cinneadh Rialtais nó i gcás scéime nua nó leibhéal nua údaráis, laistigh de 3 mhí.

Ní chuirfidh feidhmeannas an Údaráis aon iarratas faoi bhráid an Bhoird le ceadú muna bhfuil na hacmhainní ag an eagraíocht, nó socruithe déanta go mbeidh acmhainní ar fáil ó eagraíochtaí forbartha stáit eile, chun an tionscnamh a mhaoiniú.

11. Bainistíocht Athruithe agus Forbartha - Oiliúint agus Comhroinnt Eolais

Leanfaidh an dá eagraíocht i ndlúthchaidreamh lena chéile maidir le riachtanais agus deiseanna éifeachtachta acmhainní airgeadais agus foirne an Údaráis. Aithnítear go bhfuil dúshlán i ndán don Roinn agus don Údarás maidir le cur i bhfeidhm na Straitéise 20 Bliain don Ghaeilge 2010 – 2030 agus Acht na Gaeltachta 2012. Glactar leis go mbeidh ciallachais leis seo ó thaobh buiséad, scileanna, saineolais, róil agus líon foirne. Leanfaidh foireann na Roinne agus an Údaráis dá gcomhoibriú i réimsí ar nós seisiúin eolais agus cúrsaí oiliúna do na réimsí oibre ábhartha, agus i dtaca le forbairt phroifisiúnta foirne. Cuirfidh an Roinn agus an tÚdarás a chéile ar an eolas maidir le cúrsaí oiliúna ábhartha a d'éascódh forbairt foirne an Údaráis agus na Roinne.

Faoi réir srianta reachtúla agus acmhainní foirne, nuair a bhíonn cumas sainiúil in aon réimse ar leith atá ar fáil i gceann den dá eagraíocht, a theastaíonn ón eagraíocht eile, déanfaidh an chéad eagraíocht iarracht an tseirbhís seo a chur ar fáil don eagraíocht eile, ag aithint an ghá atá le costais sa tseirbhís phoiblí a ísliú trí éifeachtúlacht agus sineirgí idirghníomhaireachta agus trí shocruithe oibre solúbtha a chruthú.

12. Comhthionscadail

Oibreoidh an Roinn agus an tÚdarás as lámha a chéile ar chomhthionscadail, faoi réir iad a bheith ag teacht le réimse feidhmeanna na n-eagraíochtaí agus na n-acmhainní a bheith ar fáil dá leithéid.

13. Athbhreithniú

Ní chuireann an Comhaontú seo srian ar aon socruithe eile comhoibrithe is féidir a shocrú idir an Roinn agus an tÚdarás de réir mar a oirfidh. Déanfar athbhreithniú ar an gComhaontú seo de réir mar is cuí ó am go ham i rith na bliana d'fhonn an comhoibriú idir an Roinn agus an tÚdarás a choinneáil agus a threisiú. Fanfaidh an comhaontú seo i bhfeidhm ar feadh tréimhse bliana ó 1 Eanáir 2017 go 31 Nollaig 2017 nó go dtí go mbeadh comhaontú nua aontaithe idir an dá eagraíocht.

14. Comhaontú

Chun an Comhaontú Comhthuisceana seo a dhaingniú, tá ionadaí cuí ón dá eagraíocht tar éis é a shíniú anseo thíos.

Sínithe:

Dáta:



7/4/2017

Bertie Ó hAinmhíre

Príomhoifigeach

An Roinn Ealaíon, Oidhreachta, Gnóthaí Réigiúnacha,

Tuaithe agus Gaeltachta



07/04/2017.

Gearóid Breathnach

Stiúrthóir Corparáideach

Údarás na Gaeltachta

Aguisín

An Gnáthstruchtúr Teagmhála idir na hEagraíochtaí

An Gnó	An Teagmháil sa Roinn
Rialachas, reachtaíocht, cruinnithe idir an dá eagraíocht, achainíocha, fiosrúcháin ghinearálta, Ceisteanna Dála, oscailtí oifigiúla, óráidí d'Airí, an Tuarascáil Bhliantúil	Beirtí Ó hAinmhire 091 503711, beirti.ohainmhire@ahg.gov.ie Seán Ó Leidhinn, 091 503763, sean.oleidhinn@ahg.gov.ie Marie Ní Chéidigh, 091 503729, marie.nicheidigh@ahg.gov.ie Sadhbh Ó Cinnseala, 091 503734, sadhbh.ocinnseala@ahg.gov.ie Maria Ní Chonghaile, 091 503760, maria.nichonghaile@ahg.gov.ie
Cúrsaí airgeadais, meastacháin bhliantúla, sonraí míosúla airgeadais, éileamh ar fócaíocht ón Roinn srl. Tuairiscí faoi Chomhaontú Pháirc an Chrócaigh. Spriocanna nó torthaí i gcoinne buntáscairí feidhmíochta	Seán Ó Leidhinn, 091 503763, sean.oleidhinn@ahg.gov.ie Marie Ní Chéidigh, 091 503729, marie.nicheidigh@ahg.gov.ie Sadhbh Ó Cinnseala, 091 503734, sadhbh.ocinnseala@ahg.gov.ie Maria Ní Chonghaile, 091 503760, maria.nichonghaile@ahg.gov.ie
Cúrsaí foirne agus pearsanra	Catriona Ryan, 01 6313800, catriona.ryan@ahg.gov.ie Beirtí Ó hAinmhire, 091 503711, beirti.ohainmhire@ahg.gov.ie Seán Ó Leidhinn, 091 503763, sean.oleidhinn@ahg.gov.ie

An Gnó	An Teagmháil san Údarás
<p>Plé ar thograí nó scéim nó leibhéil nua údaráis ar gá toiliú an Aire nó an Rialtais a fháil dó.</p> <p>Plé ar chúrsaí rialachais, reachtaíochta agus a leithéidí, ar chruinnithe idir an dá eagraíocht, agus ar chúrsaí Boird.</p> <p>Ceisteanna faoi chúnamh Stáit.</p>	<p><u>An Rannóg Corparáideach</u></p> <p>Bainisteoir Corparáideach: Sonya Nic Lochlainn, 091-503184, snl@udaras.ie</p> <p>Is féidir socrú eile a aontú idir an dá eagraíocht in aon chás ar leith. Tarlóidh sé seo go hiondúil má bhíonn cinneadh Rialtais i gceist.</p> <p>Rúnaí Bord an Údaráis: Judy Ní Dhubháin, 091-503129, j.nidhubhain@udaras.ie</p> <p>Feidhmeannach: Bríd Ní Ghamhnáin, 091-503189, bng@udaras.ie</p>
<p>Achainíocha, fiosrúcháin ghinearálta, Ceisteanna Dála agus a leithéidí</p>	<p><u>Rúnaí an Phríomhfheidhmeannaigh</u></p> <p>Rúnaí: Julie Ní Ghuairim, 091-503170, jnighuairim@udaras.ie</p> <p>I gcás gnó parlaiminte nó nithe práinneacha eile, cuirfidh an Roinn cóip den ríomhphost leis an gceist chuig Máire Ní Loideáin (m.niloideain@udaras.ie) agus Judy Ní Dhubháin (j.nidhubhain@udaras.ie) freisin san am gcéanna, ar eagla daoine a bheith as láthair.</p>
<p>Cúrsaí caidrimh phoiblí, an Tuarascáil Bhliantúil, preasráitis.</p>	<p><u>An Rannóg Cumarsáide</u></p> <p>Bainisteoir Corparáideach: Sonya Nic Lochlainn, 091-503184, snl@udaras.ie</p> <p>Feidhmeannach Cumarsáide: Páid O Neachtain, 091-503111, pon@udaras.ie</p>
<p>Cúrsaí airgeadais, meastacháin bhliantúla, sonraí míosúla airgeadais, éileamh ar íocaíocht ón</p>	<p><u>An Rannóg Airgeadais</u></p> <p>Bainisteoir: Máire Ní Chuinneagáin, 091-503158, mnc@udaras.ie</p>

Roinn srl. Gnóthaí Soláthar Poiblí	Cuirtear ceisteanna faoi chuid den ábhar, sonraí míosúla, mar shampla, chuig Joan Ní Mhaoláin, 091-503167, j.nimhaoilain@udaras.ie
Cúrsaí foirne agus pearsanra – tuairiscí tráthrialta, tuairiscí i dtaca le cás d'fhoireann nua, gnóthaí pá, líonadh folúntas srl. Tuairiscí faoi Chomhaontú Pháirc an Chrócaigh agus Comhaontú Bóthar Haddington.	<u>An Rannóg Acmhainní Daonna agus Forbartha Foirne</u> Feidhmeannach: Orla Nic An Rí, 091-503127, o.nicanri@udaras.ie
Tuairiscí faoin bPlean Forbartha Náisiúnta, spriocanna nó torthaí i gcoinne buntáscairí feidhmíochta, faoi Oscailtí Oifigiúla, agus Óráidí d'Airí agus a leithid san áireamh Tuairiscí faoi ghnóthaí Eorpacha, Cistí Eorpacha.	<u>An Rannóg Fiontraíochta & Fostaíochta, Maoine, Taighde & Forbairt Earnáil</u> Bainisteoir Fiontraíochta & Fostaíocht: Sinéad Ní Fhatharta, 091-503252, sinead@udaras.ie Bainisteoir Taighde & Forbairt Earnáil: Éamonn Ó Neachtain, 091-503471, eon@udaras.ie
An próiseas Pleanála Teanga - Straitéis 20 Bliain don Ghaeilge/Pleanáil Teanga	<u>An Rannóg Pleanála agus Teanga</u> Bainisteoir Pleanála agus Teanga: Siubhán Nic Grianna, 091-503219, sng@udaras.ie
Comharchumainn, Forbairt Pobail Gnóthaí pleanála faoi na hAchtanna um Pleanáil agus Forbairt.	<u>Pleanáil Teanga & Forbairt Pobail</u> Stiúrthóir: Tadhg Ó Conghaile, 091- 503136, t.oconghaile@udaras.ie